

Վրաստանի հավասարակշռման ռազմավարությունը (դեկտեմբեր, 2025թ.)

ԱՌՎԱԿ կենտրոնի մեկնաբանությունը, 12.12.2025 թ.¹

Սեդմագիր

ԱՌՎԱԿ-ը վերլուծում է Ռուսաստանի և հավաքական Արևմուտքի միջև գլոբալ սրացման պայմաններում Վրաստանի հավասարակշռման ռազմավարությունը: 2025 թ. դեկտեմբերին Թբիլիսի և Մոսկվան համահունչ հայտարարեցին երկկողմ հարաբերությունների վարթարացման մասին՝ Վրաստանի տարածքային ամբողջականության հարցում անլուծելի հակասության պարճառով (Աբխազիայի և Հարավային Օսիայի անկախության ճանաչումը): Այդ հայտարարությունները համընկան վրացական իշխանությունների և արևմտյան դերակատարների միջև լարվածության նոր փուլի հետ՝ պայմանավորված իշխող ընտրական մեխանիզմների միջոցով «Վրացական երազանք» կուսակցության իշխանությունից հեռացնելու փորձերի ծախսով: Մեկնաբանության մեջ առաջ է քաշվում այն վարկածը, որ ՌԴ-ի հետ թշնամանքի հրապարակային հաստատումը Թբիլիսիի կանխարգելիչ քայլն է՝ ուղղված ռուսամետ դավադրության մասին պատրույի չեզոքացմանը և Արևմուտքի կողմից արտաքին պարզամիջոցային ճնշման նվազեցմանը, Արևմուտք, որը ձգտում է ամբողջ Հարավային Կովկասն ինտեգրել իր աշխարհաքաղաքական ուղեծրում: Վերլուծությունն ընդգծում է, որ «վրացական չեզոքության» դիրքորոշումը ձեռնարկ է նաև Մոսկվային, քանի որ կանխում է Վրաստանի լիարժեք ներգրավումը հակառուսական ճամբարում:

Բանալի բառեր. Վրաստան, չեզոքություն, տարածքային ամբողջականություն, Աբխազիա, Հարավային Օսիա, աշխարհաքաղաքական համընդհանուր և աստիճանական ծավալում, հաստատությունական պարզամիջոցներ, ներքաղաքական կայունություն, արտաքին քաղաքական կողմնորոշում, Հարավային Կովկաս:

Վրաստանը փորձում է պահպանել չեզոքի իր դիրքերը Ռուսաստանի Դաշնության և հավաքական Արևմուտքի միջև գլոբալ ծավալման պայմաններում:

03.12.2025 թ. ՌԴ ԱԳՆ-ն հայտարարել է, որ «երկկողմ հարաբերությունների կարգավորման նախադրյալները բացակայում են», քանի որ Թբիլիսին որպես անփոխարինելի պայման է առաջադրում Աբխազիայի և Հարավային Օսիայի պետական ինքնիշխանության ճանաչման ակտի հետևանք, որը, Ռուսաստանի արտաքին քաղաքական գերատեսչության պնդմամբ, բացառվում է: Մի քանի ժամ անց Վրաստանի վարչապետ Իրակլի Կոբախիձեն Թբիլիսիում կայացած ճեպագրույցում հաստատել է վրացական կողմի դիրքորոշումը՝ հայտարարելով, որ Մոսկվայի հետ հարաբերությունների վերականգնումը հնարավոր է միայն նախկին վրացական ինքնավարությունների անկախ կարգավիճակի ճանաչման հետևանքի և այդ բռնազավթված տարածքների «հետհանձնման» պարագայում:

Այսպիսով, նույն օրը երկու կողմերը համահունչ հայտարարեցին, որ իրենց հարաբերությունները շարունակում են գտնվել վատթարացման փուլում՝ Վրաստանի համար առավել զգայուն սեփական տարածքային ամբողջականության հարցի պատճառով:

¹ Նյութի բնօրինակը (ռուս.) հրապարակվել է մեր կայքէջում 10.12.2025 թ.:

Հատկանշական է, որ այդ հայտարարությունները ժամանակի առումով համընկան Արևմուտքի հետ Վրաստանի հարաբերություններում լարվածության հերթական փուլի և ագրեսիվ հոետորաբանության փոխադարձ սրման հետ: Նույն մամուլի ասուլիսի ժամանակ վարչապետ Ի. Կոբախիձեն լրագրողներին պատմել է, որ Թբիլիսիում ԱՄՆ նախկին դեսպան Քեյլի Դեզնանն Ուկրաինայում հատուկ ռազմական գործողության (<ՌԳ) մեկնարկից հետո «աղմուկ-աղաղակ» է բարձրացրել Վրաստանի ղեկավարության հետ հանդիպումների ժամանակ՝ պահանջելով պատժամիջոցներ սահմանել ՌԴ-ի դեմ, սակայն «հստակ մերժում է ստացել»: Նույն օրը՝ 2025 թվականի դեկտեմբերի 3-ին, Վրաստանի խորհրդարանի խոսնակ Շավա Պապուաշվիլին հանդես է եկել ԵՄ-ի հասցեին ուղղված խիստ քննադատությամբ, որը, նրա խոսքով, հիբրիդային պատերազմ է վարում՝ քաղաքականապես «Վրաստանին խեղդելու» նպատակով: Պապուաշվիլին նաև պահանջել է եվրաչինովնիկներից ներողություն խնդրել վրացական իշխանությունների կողմից ընդդիմադիր ցուցարարների դեմ քիմիական զենք օգտագործելու վերաբերյալ կեղծ մեղադրանքների համար:

Ակնհայտ է, որ Արևմուտքում չեն համակերպվել վրացական ընդդիմության լիակատար ձախողման հետ, որը հանրապետությունում խորհրդարանական (2024 թ., հոկտեմբեր), նախագահական (2024 թ., դեկտեմբեր) և տեղական ինքնակառավարման մարմինների (2025 թ., հոկտեմբեր) ընտրական փուլերի արդյունքներով բաց է թողել «Վրացական երազանք» կուսակցությանն իշխանությունից սահմանադրորեն հեռացնելու հնարավորությունները:

Հավաքական Արևմուտքի ծրագրերի ձախողումը, որը զգալի միջոցներ է ներդրել վրացական արմատական ընդդիմությանն աջակցելու համար, էլ ավելի կսաստկացնի արտաքին ճնշումը Թբիլիսիի վրա, քանի որ ԵՄ-ն ու ԱՄՆ-ը գործնականում այլընտրանք չունեն, քան Վրաստանի դեմ հաստատութենական պատժամիջոցային գործողությունների գործընթացի նախաձեռնումը՝ ուղղված արևմտյան աշխարհից նրա քաղաքական ու տնտեսական մեկուսացմանը: Նման միջոցառումներն արդիական են Բրյուսելի և Վաշինգտոնի համար՝ հաշվի առնելով, որ Երևանում և Բաքվում իշխանությունների հակառուսական ելույթները, եթե Թբիլիսին չմիանա դրանց, կարող են արժեզրկվել Մոսկվայի հետ Արևմուտքի գլոբալ առճակատման համատեքստում: Այդ դեպքում Արևմուտքը ռիսկ է անում բաց թողնել ՌԴ ագրեսիվության ուղեծրից ամբողջ Հարավային Կովկասը միանգամից դուրս բերելու հնարավորությունների պատուհանը՝ այստեղ աշխարհաքաղաքական հենման կետեր չթողնելով նրա համար: Հետևաբար, Թբիլիսիի վրա նրա ճնշումը կշարունակվի և կսաստկացվի, սակայն հիմնական մարտերը ներվրացական քաղաքական դաշտից կտեղափոխվեն արտաքին ճակատ, որտեղ Վրաստանի նկատմամբ կուժեղանա տեղեկատվական պատերազմը և հետևողականորեն կկիրառվեն պատժամիջոցները՝ ընդհուպ մինչև չեղյալ կհայտարարվի ԵՄ-ի հետ առանց

վիզայի ռեժիմը, Արևմուտքի կողմից նրան ցուցաբերվող ֆինանսա-տնտեսական աջակցության ծրագրերի դադարեցումը և այլն:

Հաշվի առնելով դա՝ հասկանալի է դառնում, թե ինչու Արևմուտքի հետ Թբիլիսիի կոշտ քաղաքական առճակատման սպասվող նոր փուլի նախաշեմին վրացական իշխանությունները կրկին հիշեցրին Մոսկվայի հետ համատեղ գործակցության վերաբերյալ լուրերի անհիմն լինելու մասին: Թբիլիսին ձգտում է դրանով իսկ արժեզրկել այդ խոսույթը, որը հիմնական դրդապատճառ է դարձել Վրաստանի վրա հարձակումների՝ Արևմուտքի քարոզչական արշավում: ԱՄՆ-ը և ԵՄ-ն ավելի ու ավելի են ագրեսիվացնում իրենց հակավրացական հոետորաբանությունը՝ շեշտը դնելով այն հանգամանքի վրա, որ հարավկովկասյան այդ երկրում արևմտամետ ՀԿ-ների ջախջախումը, ընտրություններում «կեղծիքները» և ընդդիմադիր առաջնորդների հետապնդումներն իբր չեն արվել առանց Ռուսաստանի ուղղակի աջակցության, որի վրա էլ, Արևմուտքի պնդմամբ, հենվում է «Վրացական երազանքը»:

Այս ամենը Վրաստանի իշխող կուսակցությանը հիմք է տալիս զգուշանալու, որ Արևմուտքը, հնարավոր է, չսահմանափակվի միայն պատժամիջոցներով և մեկուսացմամբ, իսկ այժմ արդեն «օրինական առիթներ» է փնտրում հանրապետության ներքին գործերին ուղղակի միջամտելու համար՝ ընդհուպ մինչև նրա ղեկավարության դեմ ռազմական ուժի կիրառումը: Նման սցենարը չի կարելի բացառել՝ հաշվի առնելով, որ արևմտյան խաղում խաղասեղանին դրված է ոչ միայն Վրաստանի արտաքին քաղաքական կողմնորոշումն ու ենթակայությունը, այլև ողջ տարածաշրջանի ճակատագիրը:

Թբիլիսիում գիտակցում են, որ ԵՄ-ի և ԱՄՆ-ի հետ հակամարտությունը չափազանց հեռուն է գնացել՝ արևմտյան ընդդիմախոսներին դրդելով արմատական գործողությունների դիմել հետխորհրդային տարածքում ռուսական ագրեսիվ ռևիզիոնիզմի դեմ պայքարի քողի տակ, որի զոհը, ինչպես պնդում են, դարձել է նաև Վրաստանը: Հենց այդ պատճառով վրացական ներկայիս իշխանությունները հերթական անգամ հուսահատ փորձեր են անում միջազգային հանրությանը իրազեկելու, որ «Վրացական երազանքի» հակաժողովրդավարական էության մասին Արևմուտքում մշակվող խոսույթն առ այն, թե իբր նա Մոսկվայի ցուցումով ու նրա ազդեցությամբ երես է թեքել ԵՄ-ի ազատական արժեքներից, ի սկզբանե սխալ է և մոլորեցուցիչ: Թբիլիսիի պաշտոնական դիրքորոշման համաձայն՝ խոսքը կարող է լինել բացառապես Վրաստանի չեզոքության և գլոբալ աշխարհաքաղաքական պայքարի հարթակ ու, առավել ևս, մանրադրամ չդառնալու մասին: Թբիլիսիի համար կարևոր է Արևմուտքին ցույց տալ, որ նա չունի և չի կարող ունենալ Մոսկվայի հետ քաղաքական փոխգործակցության որևէ կետ՝ նրա կողմից անկախ ճանաչված «բնագավթված» ինքնավարությունների խնդրի առկայության պայմաններում: Դրանով Թբիլիսին ձգտում է հնարավորինս հավասարեցնել հարաբերությունները ԵՄ-ի և ԱՄՆ-ի հետ ու համոզել նրանց հանգիստ թողնել վրացական օրակարգը:

Սակայն հետաքրքրական է այն փաստը, որ Մոսկվան այդ նախաձեռնությունում լիովին խաղակցում է Թբիլիսիի հետ: Չի կարելի բացառել, որ ս. թ. դեկտեմբերի 3-ին մեղադրանքների և կշտամբանքների փոխանակումը տեղի է ունեցել ոչ թե զուգահեռությամբ, այլ պայմանավորված էր երկու կողմերի անհրաժեշտությամբ՝ ցույց տալու Արևմուտքին, որ Աբխազիայի և Հարավային Օսիայի հարցերը երաշխավորված կերպով բացառում են նրանց մերձեցման հնարավորությունը: Պատահական չէ, որ Ռուսաստանի ԱԳՆ-ն ընդգծել է, թե Միխեյլի Սահակաշվիլիի ժամանակներից ի վեր Մոսկվայի նկատմամբ Թբիլիսիի դիրքորոշման մեջ բացարձակապես ոչինչ չի փոխվել:

Ակնհայտ է, որ Ռուսաստանի համար Վրաստանի ներկայիս մեկուսի պահվածքն ու սառնությունն ավելի ընդունելի են, քան Արևմուտքի առջև նրա «կապիտուլյացիան» և, հետևաբար, ներգրավումը հակառուսական ճամբարում: Ուստի Մոսկվային ծայր աստիճան ձեռնտու է աջակցել «վրացական չեզոքության» օրակարգին՝ նույնիսկ Աբխազիայի և Հարավային Օսիայի հարցերի կապակցությամբ հակասությունների և թշնամանքի պահպանման գնով: